

(<https://news.usm.my>)

Berita Mutakhir

14  
MAY

## USM, GUFs CHINA METERAI MOU PERKUKUH KERJASAMA KAJIAN BAHASA, TERJEMAHAN DAN BUDAYA MELAYU-CHINA



GUANGZHOU, CHINA, 13 Mei 2017 - Pusat Pengajian Ilmu Kemanusiaan (PPIK) Universiti Sains Malaysia (USM) hari ini menandatangani Memorandum Persefahaman (MoU) dengan Jabatan Bahasa Melayu, Fakulti Bahasa dan Budaya Asia (FBBA), Guangdong University of Foreign Studies (GUFs) di Guangzhou, China.

MoU ini ditandatangani sempena Majlis Perasmian Seminar Terjemahan, Bahasa dan Budaya Melayu-China (STBBMC) anjuran bersama Unit Penyelidikan Terjemahan dan Interpretasi (UniTI), PPIK USM dan Jabatan Bahasa Melayu, FBBA GUFs.



Ia bertujuan mewujudkan kerjasama antara kedua-dua universiti dalam pengajaran dan pembelajaran, penyelidikan dan penerbitan bidang Pengajian Melayu dan Bahasa Melayu.

MoU ini ditandatangani oleh Profesor Dr. Narimah Samat, Dekan PPIK wakil kepada Naib Canselor USM dan Profesor Dr. Yang Minsheng, Dekan FBBA wakil kepada Presiden GUFFS.

STBBMC 2017 yang diadakan selama dua hari, 13-14 Mei 2017 telah berjaya menghimpunkan sebanyak 45 kertas kerja daripada pembentang Malaysia dan China yang membincangkan interaksi peradaban Melayu-China melalui aktiviti terjemahan, bahasa dan budaya.



Seminar ini bermatlamat untuk:

i) meneroka dan membincangkan isu-isu dalam aktiviti terjemahan, bahasa dan budaya Melayu-China;

ii) membuka gelanggang untuk para pengkaji dan peminat dalam pelbagai disiplin yang melibatkan Melayu-China untuk berkongsi penemuan baharu, pengetahuan dan pengalaman dalam bidang masing-masing; dan

iii) menghimpunkan resolusi bagi memastikan kemampunan interaksi peradaban Melayu-China.

Yang turut hadir ialah Penyanggand Kursi Pengajian Melayu di China, Dato' Dr. Awang Sariyan; Konsul-Jeneral Malaysia di Guangzhou, Tuan Muzambli Markam; dan Penyelaras UniTI PPIK USM, Prof. Madya Dr. Goh Sang Seong.

Teks asal & Foto: Prof. Madya Dr. Goh Sang Seong



Share This

**Pusat Media dan Perhubungan Awam / Media and Public Relations Centre**

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my](mailto:pro@usm.my) (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015